

Inatsisartut suleriaasianni § 37, imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqqutit:**

- 1. Naalackersuisut erseqqilluinnartumik uppersarsinnaavaat, Kalaallit Nunaata 1992-imi peqqinnissaqarfimmik tigusinera kingorna, kalaallit akornanni inunngortartut ikilisinnissaat siunertaralugu politikikkut aalajangikkamik periusissiamik, anguniagassamik imaluunniit allaffissornikkut suleriaasissamik peqarsimanngisaannartoq?**
- 2. Naalackersuisut 1992-ip kingorna ilisimasaqarpat suliffiup iluani allakkianik, periusissianik, inassuteqaatinik imaluunniit atorfilittat akornanni eqqartuisimanernik, inunngortartut ikilisinnissaat imaluunniit inuit amerliartornerat politikikkut imaluunniit aningaasaqarnikkut eqqaaneqarsimasunik?**
- 3. Naalackersuisut ajornartorsiutitut tulluannigitsutulluunniit isigaat, Naalackersuisut Siulittaasuata 1992-ip kingorna pissutsinut pisimasunut pisortatigoortumik utoqqatsernera, suli Naalackersuisut utoqqatsernermut tunngavilersuisumik ersarissumik politikikkut aalajangikkamik suleriaasissamilluunniit tikkuussisinnaangitsut?**
- 4. Naalackersuisut kikkut eqqoqqissaarlugit iliuuserisimasat aggustip 27-ani 2025-mi utoqqatserfigineqartut pisuutippaat, piffissami tassani Naalackersuisut tamatumunnga tunngatillugu pisortatigoortumik politikkeqarsimanersoq ilisimatitsissutigiumangimmassuk?**
- 5. Naalackersuisut ilisimatitsippat 1992-ip kingorna akisussaaffik Danmarkip Kalaallit Nunaatalu akornanni avinneqarsimasoq. Naalackersuisut eqqoqqissaartumik nassuiarsinnaavaat Kalaallit Nunaat nammineq tigusinerata kingorna naartunaveersaatit, spiralilersuinerit aamma naartunaveersaartitsinerit pillugit sunik alajangiisinnaatitaaffeqarsimanersoq?**
- 6. Naalackersuisut 1992-ip kingorna peqqinnissaqarfimmut najoqqutassianik, innersuussutinik imaluunniit kisitsisinik anguniagassanik spiralit pillugit imaluunniit arnanut nivarsiaqqanullu naartunaveersaatit allat atorneqarnissaat pillugu saqqummiussaqaarsimappat?**
- 7. Naalackersuisut ilisimasaqarpat danskit oqartussaasui 1992-ip kingorna inassuteqaateqarsimanersut imaluunniit Kalaallit Nunaata naartunaveersaartitsisarnermut inunngortartunillu pinaveersaartitsisarnermut suleriaasianut sunniuteqarniarsimanersut?**

- 8. Naalackersuisut ilisimatitsipput Nunatta Nakorsaaneqarfia 1992-ip kingorna pinngitsaalillugu naartunaveersaartitsisarsimanernik nalunaarfigineqarsimanngitsoq. Tamanna ima paasineqassaaq Naalackersuisut naliliisut taamaattoqarsimanngitsoq, imaluunniit taamaallaat pisortatigoortumik nalunaarusiortoqarsimanngitsoq?**
- 9. Nunatta Nakorsaaneqarfiata 2024 martsimi misissuisimanerminni suut eqqoqqissaartut periaaserivai, 1992-ip kingorna suliat suulluunniit qulaajarniarlugit?**
- 10. Naalackersuisut 1992-ip kingorna suleriaaserineqarsimasunik arlaannulluunniit atanngitsumik oqaluttuarisaanikkut eqqartuussissuserinikkulluunniit misissuiniarnissamik pilersaaruteqarpat, tamatumunnga ilanngullugu arnat nivarsiaqqallu tamakkiisumik paasissutissiinikkut akuersissuteqartitsinani naartunaveersaatinik iliuuseqarfigineqarsimanersut?**

(Inatsisartunut ilaasortaq Jens NapâtôK', Naleraq)

#### **Tunngavilersuut:**

Naalackersuisut apeqqummut nr. 172/2025-mut akissuteqaataat, 1992-imi Kalaallit Nunaata peqqinnissaqarfimmik tigusera kingorna akisussaaffiit, politikikkut aalajangikkat aamma suleriaaserisartakkat pillugit apeqqutinut qitiulluinnartunut ersarissunik akissutitaqanngilaq. Pingaartumik kalaallit akornanni inunngortartut ikilisinnissaat siunertaralugu pisortatigoortumik pisortatigoortuunngitsumilluunniit politikkeqarsimanersoq pillugu apeqqut akineqarsimanngilaq.

Naalackersuisut Siulittaasuata 1992-ip kingorna pissutsinut pisimasunut pisortatigoortumik utoqqatserneq saqqummiussimmagu, iliuitsit, oqartussaasut, suleriaatsit imaluunniit politikikkut aalajangikkat eqqoqqissaartut suut Naalackersuisut utoqqatsernermut tunngavittut isigineerat erseqqissarneqartariaqartoq isigineqarpoq.

Tamatuma saniatigut 1992-ip kingorna Kalaallit Nunaata Danmarkillu akornanni akisussaaffiit agguataarneqarsimanerat, kiisalu Naalackersuisut naliliinerminni uppernarsaatitut tunngavigisaat suunersut pillugit ersarinnerusumik paasissutissiisoqarnissaa kissaatigineqarpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanerme paatsuungasoqassatillugu kalaallisut allassimasoq aallaavigineqassaaq.